

呂祖全書

乙巳仲冬
萬德至善社重刊

呂祖全書文集小序

既刪以後。何以無詩。以道學風雅。分而爲二也。古之人能合而一之者。首推周公。次則尹吉甫。今觀七月諸章。人情物理。發揮入妙。吉甫自謂其詩孔碩。又謂穆如清風。取崧高烝民讀之良然。嗣是作者益繁。王阮亭謂昌黎有英雄語。太白有仙語。摩詰有佛語。此亦後代詩人之大凡矣。神仙詩多者惟呂祖。長歌短詠。天籟自鳴。皆無意爲詩者也。惟道充於中而不可已。不覺於吟哦發之。其機活。其神全。不越人情物理之常。而已。盡仙佛英雄之致。吾謂道學風雅。不必岐視者。於呂祖之詩見之。至今體詩。間有逸韻者。昔鄭庠作古音辨。分古韻六部。原可通協。不若沈約之拘。集中古體雜體

詩皆然。至詩既從今體。似宜一依今韻。而神仙作詩。亦間以古韻行之。第查明偶出韻者。註明某句借韻。或二韻三韻四韻通用者。註明幾韻並用。使後學有所考焉。其他如指佞篇。及涵三雜詠今體詩。俱從此例。若忠考誥玉樞經讚。并諸經頌偈。有韻之文之協古韻者。又不必論矣。

原刊文集序

自古學道而成仙者衆矣。或飛昇。或尸假同解。乃夤然遂與世隔。往往起神仙渺茫之誚。獨純陽真人。首以開度羣迷爲誓。嘗遊戲人間。顯化不一。雖三尺童子。亦知其名而慕其風也。今觀所著詩歌。談妙入佞。無非窮理盡性。以至於命焉。學者果能熟復而交叅之。

。既知有離宮修定之功。又知坎府求玄之祕。則煉已待時。於寂然不動之中。自然有感而遂通者在是。雖凡夫亦可以立躋聖位。孰謂神仙不可以學得。而徒有渺茫之誚耶。予夙慕真宗。廣求仙訣。今偶得是集。不欲祕藏。願與同志共之。或因文解悟。暗合玄宗。庶足以副真仙開度羣迷之初意云。時太歲丙戌乾道二年。書雲日劍津谷神子陳得一序。

重刊文集序

真仙之道。自廣成授軒轅。而其教遂行於世。由是代不乏人。有高舉遠引而隱者。有行道濟世而顯者。其隱者世不可得而知。其顯者出瑞聖世。化度有緣。間有發爲詞章。以吟詠道德。若唐之呂純陽者。殆顯而

濟世者歟。其所著詩文。宋乾道間。延平陳谷神。已嘗印行。其板歲久不存。廣陽張子素氏。有志於道者也。恐真仙之事跡。久或湮泯。求諸善本。特壽於梓。以廣其傳。葆和堂真士袁公熙真。太嶽太和山。佷天玉虛宮提點任公自垣。力贊其美工。告成。請予序其首簡。予惟真仙之應化。雖片言隻字。皆有道以寓其間。世之學仙者。苟能因文以求義。因義以明心。冥符默會於言語文字之間。真積力久。內行純熟。陰功昭著。以入乎清淨之境。則此書豈小補哉。若徒以記憶爲工。以資清談。則非吾所知也。是爲序。昔永樂二十年歲在壬寅孟夏正一嗣教清虛冲素光祖演道真人領道教事四十四代天師西壁翁張宇清書

龍洲居士文集原序

生公心究佞門。愛讀純陽呂公集。喜其正斷十試九難
諸魔。咸築基鍊己。根極微妙。奪天巧以成能。至於
陰陽坎離鉛汞升墜之說。以八卦運十二時。而其要在
艮。以三田互相反復。而其要在泥丸。皆至理存焉。
余每行。必手攜此卷以玩。顧塵心難滅。學而未能者
久之。頃過邯鄲道中。見呂公祠入謁。慨然想慕。因
得所刻枕中記三復之。知盧生炊黍就枕之夢。與純陽
黃梁未熟之夢相似。鍾離之授呂。呂之授盧一也。寵
辱窮通。得喪死生之理。盡於是者。有能超然了悟。
三乘九轉易易矣。余謂是記當附於集末。邯鄲楊尹。
治邑有聲。請鋟諸梓。因敘其略。與修命修性。志於

佺學者共之。嘉靖

戊午歲夏五月朔旦蓬萊山北龍洲處士書於金臺寓舍

呂祖全書卷三

義陵無我子劉體恕彙輯

男劉蔭誠清惠
姪劉允誠清虛

全校

沙羨一行子黃誠恕參訂

文集上 序記賦
古體詩

佺帝七品經序 厄經名九重勅演佺帝度劫解
厄保命錫嗣拔幽普利妙經

臣崑。恭遇元始天主。慈憫濁世苦惱。勅允卑員演經度
劫。蒙頌天懺。芸香珥筆。抉金簡瑤函之秘。發洞微明
宸之奧。開臣等臆障。釋多生積愆。下及塵寰。法雨溥
潤。日月所照。風雷所至。一切含靈。無不被澤。援拯
萬世苦海。無等無倫。誠寶典也。臣靈一粟之瑩光。
歷多生之幻。穀音却仰精大道。得出輪迴。始還丹於閬苑

。繼備員於玉清。慙佗功之難極。愧行力之未充。矢志
普度。顛請玉宸。勅龍沙顯跡。闡八品驚世之文於金陵
。復叩金闕。允演度劫之章於鄂渚。指五品欲願人人體
行。日日進善。是臣心矣。實所願也。無如季世愚盲。
音多染慾障。難捐結習。有舌架慈航。心運劍戟者。有
澤惠及於昆蟲。而忠孝疎於君親者。有輕施好濟。而虧
心暗室者。犯金科玉律而罔顧。聞地府天曹而不畏。萬
罪千條。罹成重劫。水火旱蝗。兵疫疊收。南膽爲最。
仁威惻怛。帝仁威聖號佗表奏九重。允演七品靈章。重宣化導
。經旨幽邃。闡明生化升降出入妙理。慈悲廣大。指示
順逆善惡禍福。報應昭彰。至於處音疫聲海去威力。念佛
功德。即念佛號無裕國壽民。無踰斯典。復蒙發天懺。

括諸經之髓。曠劫難逢。宣列聖之功。焚頂莫酬。惟期
娑婆世界。人人信受。戶戶傳誦。俾靈風溥播。仁威博
濟之誠。梓潼代演之功。永不朽矣。臣亦願彰聖諦。援
引羣氓。謹序。

西河薩祖元陽大帝教苦經序

三經一卷所言空色
觀一語類禪學

代天說法。憫一切衆生。不明本來。不知覺路。如行大
荒之中。及至半途。後嘔忽陷。惟有向前而已。當前又
有銅牆鐵壁。無可著脚處。欲向左行。深塹萬丈。若於
右行。懸澗千尋。苟若於此。一失足跟。悔之無及。何
以說。欲障易化。理障難除。非明明現現。認賊作子。
則死木槁灰。無想爲真。一謂弄虛靈。一謂斷種性。豈
非一左一右。喪身之地。須欲仍放本輝。念茲在茲。一

破疑團。自現覺體。自然意入無意。意意不意。情歸不情。情無所情。不見不聞。無聲無臭。若至於此。仍莫認著。酌音一著總非。百無一是。所謂望道而來之見。真尚不著。何況幻妄。覺尚不著。何況虛假。所以此中境界。非色非空。非顯非微。只有疑機。無有信處。實有所在。當觀念之所自。起自何所。了知起處。便知落處。久久而見起念之始。久久而見念始之先。所謂憫一切衆生者。有畏其高矣美矣。未可幾及。遠哉大哉。未可卒至。有輕其寸莖之壁。宜云照乘可比。味淡無滋。豈可瓊瑤相配。此所以知者過而愚者不及。故爲西河教苦經而爲序。

文昌帝君玉局心懺後序

懺一卷共十章
杜長春仙官專爲士子演

蓋聞著書立說。講道明心。自昔聖賢。其揆一也。浮詞
組織。雜技繽紛。諧者憂之。況在天階。又奚取哉。孔
子猶曰。述而不作。信而好古。後世載籍日煩。義理闕
如。五經四書。置勿復道。而徒藉以博功名。誇聲譽。
又從而託及異端。嗚呼。其亦勿思耳。矣予儒人也。晚
叅大道。脫棄塵緣。名曰修煉成仙。實盡本於考弟忠信
。高大精微之學。故得氣行宇宙。豈漫言飛昇尸解者流
耶。世不察。以爲方外旁門。天高地厚。日升月恒。亘音
去聲又惡用此鬼誕爲也。昔故降鸞立教。頻引孟之言。與
河洛相表裏。必待學者。積累修成。無愧無作。然後心
神益。災厲退。內功可成。天恩可遇。即不幸而殺身成
仁。亦自貫虹霓。軀神鬼。安得盡入深山。遊窮海。以

爲至人再出耶。至於乩符託跡。時隱時現。不過憫凡夫之愚迷。而稍引之正。又安得執塗人而語以幽明之故耶。每欲自明其說。而無從相授。幸及今日。見元皇命真官成此心懺。整巾肅容。再拜而讀之不釋。喟然嘆曰。是予之志也。孔孟之言。習而不行。以其言雖在。其神不靈耳。何爲入梵宮見神像。又輒從而稽顙祈禱。此昧心也。亦敬心也。反而推之。合而行之。道在於是。玉局之心。如此其仁。故發而爲文。振金玉。挾風雲。沁心脾。動肝膽。易曰。觀乎天文以察時變。猶是無言之教也夫。敬展卷而作頌曰。炳炳鸞書。來於玉宸。義文之祕。洙泗之真。濯爾魄。貫爾神。函闕仙尹。圮音上夷。老人。齊俯首。覺斯民。幽疑埽闢。萬物皆春。

江州望江亭自記

吾京川人。唐末三舉進士不第。因遊江湖間。遇鍾離子。受延命之術。尋又遇苦竹真君。傳日月交并之法。久之。適終南山。再見鍾離子。得金液大丹之功。年五十道始成。身長五尺二寸。面黃白。鼻聳直。左眉有黑子。服白襪衫。繫皂繚音變化不可測。或爲進士。或爲兵。世多稱吾能飛劍戳人者。吾聞之笑曰。慈悲者佛也。仙猶佛耳。安有取人命乎。吾固有劍。蓋異於彼。一斷貪瞋。二斷愛慾。三斷煩惱。此其三劍也。吾道成以來。所度者何仙姑。郭上竈二人。性通羽。吾授之以歸相法。吾嘗謂世人奉吾。真何若行吾行。既行吾行。又行吾法。不必見吾。自成大道。不然。日與吾遊何益哉。

枕中記

盧生事頗與呂祖遇正陽祖師相類

開成七年。呂祖行邯鄲道中。

原記云有呂翁者得息邸舍神仙術行邯鄲道中

舍

。攝帽弛囊而坐。俄見旅中少年。乃盧生名英字萃之也。衣

短褐。乘青駒。將適於田。亦止旅中。與翁共席而坐。

言笑殊暢。久之。生顧其衣裝弊褻乃。長嘆息曰。大丈夫

生世不諧。困如是也。翁曰。觀子形體。無苦無恙。

談諧方適。而嘆其困者何也。生曰。吾苟此生耳。何適

之謂。翁曰。此不謂適而何適。答曰。士之生世。當建

功樹名。出將入相。列鼎而食。選聲而聽。使族益昌。

而家益肥。然後可以言適乎。吾嘗志於學。富於遊藝。

自謂當年青紫可拾。今已過壯。猶勤畎畝。非困而何。

言訖。而目昏思寐。時主人方蒸黍。翁乃探囊中枕以授

之。曰。子枕吾枕。當令子榮顯如志。其枕青甕。而竅其兩端。生俛首就之。見其竅漸大明朗。乃舉身而入。遂至其家。數月。娶清河崔氏女。女容甚麗。生資愈厚。生大悅。由是衣裝服馭。日益鮮盛。明年舉進士登第。釋褐祕校。應制渭南尉。俄遷監察御史。轉起居舍。人知制誥。三載。出典同州。遷陝郊。生性好土功。自陝西鑿河八十里。以濟不通。邦人利之。刻石紀德。移節汴州。領河南採訪使。徵爲京兆尹。是歲神武皇帝方事戎狄。恢宏土宇。會吐蕃悉採邏。及燭龍莽布支。攻陷瓜沙。而節度使王君冕新被殺。河湟震動。帝思將帥之才。遂除御使中丞河西道節度。大破戎虜。斬首七千級。開地九百里。築大城以遮要害。邊人立石於居延山。

以頌之。歸朝冊勳。恩禮極盛。轉吏部侍郎。遷戶部尚書。兼御史大夫。時望清重。群情大翕習。大爲時宰所忌。以非言中之。貶爲端州刺史。三年徵爲常侍。未幾。同中書門下平章事。與蕭中令嵩。裴侍中光庭。同執大政十餘年。嘉謨密命。一日三接。獻替啓沃。號爲賢相。同列害之。復誣與邊將交結。所圖不軌。下制獄。府史引徒至其門。而急收之。生惶駭不測。謂妻子曰。吾家山東。有良田五頃。足以禦寒餒。所苦求祿。而今及此。思衣短褐。乘青駒。行邯鄲道中。不可得也。引刀自刎。其妻救之獲免。其羅者皆死。獨三省定爲中官保之。減罪死。投驩州。數年。帝知冤。復追爲中書令。封燕國公。恩指殊異。生五子。曰儉。曰傳。曰位。

曰倜。曰倚。皆有才器。儉進士登第。爲考功員外。傳
爲侍御史。位爲太常丞。倜爲萬年尉。倚最賢。年二十
八爲左袞。其姻媾皆天下望族。有孫十餘人。兩竄荒徼
。再登台鉉。出入中外。徊翔臺閣。五十餘年。崇盛赫
奕。性頗奢蕩。好佚樂。後庭聲色。皆第一綺麗。前後
賜良田甲第佳人名馬。不可勝數。後年漸衰邁。屢乞骸
骨。不許。病中人候問相踵於道。名醫上藥。無不至焉
。將沒。上疏曰。臣本山東諸生。以田園爲娛。偶逢聖
運。得列官敘。過蒙殊獎。特被鴻私。出擁節旌。入昇
台輔。周旋中外。綿歷歲時。有忝天恩。無裨聖化。負
乘貽寇。履薄增憂。日懼一日。不知老至。今年踰八十
。位極三事。鍾漏並歇。筋骸俱耄。彌留沈頓。待時益

盡。顧無試效。上答休明。空負深恩。永辭聖代。無任
感戀之至。謹奉表陳謝。詔曰。卿以俊德。作朕元輔。
出擁藩翰。入贊雍熙。昇平二紀。實卿所賴。比嬰疾疹
。疾同日謂痊平。豈斯沈痼。良用憫惻。今令驃騎計音大將
軍高力士。就第候省。其勉加鍼石。爲予自愛。猶冀無
藥。期於自廖。是夕薨。盧生欠伸而寤。見其身方偃於
邸舍。呂翁坐其旁。主人蒸黍未熟。觸類如故。生蹶然
而興曰。豈期夢寐也。翁謂生曰。人生之適。亦如是矣
。生憮然良久。謝曰。夫寵辱之道。窮通之運。得喪之
理。死生之情。盡知之矣。此先生所以窒吾欲也。敢不
受教。稽首再拜而去。

黃鶴賦

本出允誠抄
原集無

粵矣最上一乘。乃無作而亦無爲。還丹七返。因有動而方有靜。上德以道全其形。乃純乾之未破。下德以術延其命。乃擬坎之已成。是以用陰陽之道。即依世法而修出世之法。效男女之生。必發天機而作洩天之機。方期性命之雙修。須仗法財而兩用。先結全心爲輔佐。次覓巨室以良圖。然欲希至道。必密叩玄關。擇善地。慎作事之機密。置丹房。造器皿之相當。安爐立鼎。譬內外兩個乾坤。煉己築基。固彼我一身邦國。緊關對景忘情。憑銳氣之勇猛。大抵煨爐鑄劍。借金水之柔剛。若運用。若抽添。慮險而須當沐浴。若鼓琴。若敲竹。逢爭而便宜守雌。百日功靈。曲直而能應物。一年工熟。追攝而已由心。能盜彼殺中之生炁。以點我陽裏之陰精。

玉液金液。一了性而一了命。二候四候。半在坎而半在離。始也將無入有。以見龍居虎位。終焉留戊就己。始知虎會龍宮。要知藥物之老嫩。在辨水源之濁清。煉已待時者。務待陽生於赤縣。察機臨爐者。必須癸動於神州。若觀見龍在田。須猛烹而極煅。忽聞虎嘯出窟。可倒轉而逆施。所謂火逼金行出坤爐。故名七返。金因火煉歸乾鼎是。曰九還。還者乾所失而復得之物。返者我已出而復來之真。殊不知順則生人生物。逆則成佛成仙。雖曰彼家。非閨丹御女之術。故知一己。有鵬鳥圖南之機。坎中一點黑鉛。號曰先天。非同類終不能得。離內七般朱汞。是名孤陰。無真種一刻難留。是以假乾坤立鼎爐。覓太乙所含之始炁。順陰陽作筌蹄。求水府所

蘊之佞珠。趨趨拂音時卒補我乾之一缺。俄然間已還彼坤
之六虛。到此水歸神室。位列天仙。丹落黃庭。千靈舒
慘。上帝加讚。天地咸驚。抱元守一。溫養十月神有像
。調神面壁。坐忘九載體無形。斯其道術造端。似依正
而行邪。就中火候託始。如倚竒而用兵。鉛與汞。無丙
叟。東西間隔。嬰與姤。非黃婆咫尺參差。識緩急。慮
吉凶。在匠手以斟酌。明進退。知止足。豈愚昧而能爲
。認消息如海之潮信。策造化比月之虧盈。三日出庚。
乃一陽生於坤體。十五圓甲。則六爻周於乾元。洩金竅
。鑿混沌。露老莊之肺腑。明坤鑪。飲刀圭。吐平叔之
心肝。今遇龍江子。夙有道骨仙丰。名註丹臺玉室。遂
結烟霞同志之友。願發龍虎祕藏之機。究尋火候。早餌

黍珠。閨苑佻圃。他日可冀。

按篇中有吐平叔之心肝句。平叔即張紫陽。宋時人。疑此賦非呂祖作。然觀五品經內。亦雜引海蟾紫陽之語。或者其箕著與。又按篇中俱不用韻。殊非賦體。即名黃鶴賦。亦未詳其義。

修身訣三段

以下古體詩

人命急如線。上下往來速如箭。認得是元神。子後午前須至煉。隨意出。隨意入。天地三才人得一。既得一。勿遺失。失了永求無一物。嗟嘆荒郊塚墓中。自古滅亡不知屈。後一本無一二句天花爛熳。人事悠悠。得之者一氣吞。元失之者三泉昧景。至藥龍居虎位。虎據龍宮。當龍虎混合之時。認恍

惚杳冥之路。大電霹而神莫爲。迅雷烈而神莫知。去彼
取此兮。用資久視之功。即是神仙之妙。此與後段非詩
麟然三段相因
不可割
截附之

先住其子。後覓其母。率性爲宗。擒和正取。水伏其火
。龍引其虎。得自兩眉。始應佗牝。雷驚電杳。無非黃
盖之家。金液瓊漿。盡屬丹池之寶。老子之術。盡於斯
矣。嗟夫。金玉滿堂。莫之能守也。

三字訣

這箇道。非常道。性命根。生死竅。說著醜。行著妙。
人人憎。個個笑。大關鍵。在顛倒。莫厭穢。莫計較。
得他來。立見效。地天泰。爲朕兆。口對口。竅對竅。
吞入腹。自知道。藥苗新。先天兆。審眉間。行逆道。

滓質物。自繼紹。二者餘。方絕妙。要行持。令人叫。
氣要堅。神莫耗。若不行。空老耄。認得真。老還少。
不知音。莫語要。道一作些兒法。合大道。精氣神。不老
藥。讀作要仙翁晉靜裏全。明中報。乘鳳鸞。聽天詔。

悟道詩原集在悟道
歌原作又記

數載樂幽幽。欲逃寒暑逼。不求名與利。猶恐身心役。
苦志慕黃庭。慇勤求道跡。陰功暗心修。善行長日積。
世路果逢師。時人皆不識。我師機行密。懷量孤僻。解
把五行移。能將四象易。傳余造化門。始悟希夷則。服
取兩般真。從頭路端的。烹日月壺。不離乾坤側。至道
眼前觀。得之元咫尺。真空空不空。真色色非色。推倒
玉葫蘆。進出黃金液。緊把赤龍頭。猛將驪珠吸。吞歸

臟腑中。奪得神仙力。妙號一黍珠。延年千萬億。同途
聽我吟。與道相親益。未曉真黃芽。徒勞遊紫陌。把住
赤烏魂。突出銀蟾魄。未省此中玄。常流容易測。三天
應有路。九地終無厄。守道且藏愚。忘機要混迹。羣生
莫相輕。已是蓬萊客。

百字碑

養氣忘言守。降心爲不動。動靜知宗祖。無事更尋誰。
真常須應物。應物要不迷。不迷性自住。性住氣自回。
氣回丹自結。壺中配坎離。陰陽生返復。普化一聲雷。
白雲朝頂上。甘露灑須彌。自飲長生酒。逍遙誰得知。
坐聽無絃曲。明通造化機。都來二十句。端的上天梯。

百句章

本出允誠抄
原集無

無念方能靜。靜中氣自平。氣平息乃住。息住自歸根。
歸根見本性。見性始爲真。萬有無一臭。地下聽雷鳴。
升到崑崙頂。後路要分明。下山接鵲橋。送下至黃庭。
庭中演易卦。五十五堪均。氣卷施四大。坐卧看君行。
此是築基理。孤陰難上升。更要鑄神劍。三年煉已成。
念正情忘極。臨爐不動神。覓買丹房器。五千四八春。
先看初三夜。蛾眉始見庚。要見庚花現。反向蛾眉尋。
如此採真鉛。口口要真傳。火候從初一。一兩漸漸生。
十六退陰符。兩兩不見增。沐浴逢雞兔。防失防險傾。
金氣自薰蒸。體上汗淋淋。十月胎方就。頂門要出神。
還須面壁九。飛身上玉京。三段功夫訣。明明說與君。
我今親手釋。成書體訣行。傳與修行子。玉金之法程。

丹訣真師授。須與神仙論。更有妙丹法。予恐太洩輕。
彈絃并鼓瑟。夫妻和平情。霞光照曲水。紅日出崑崙。
恍恍并惚惚。杳杳與冥冥。此中真有信。信到君必驚。
一點如朱橘。要使水銀迎。絕不用器械。顛倒法乾坤。
世人不悟理。三峯採戰行。也有說三闖。也有入爐臨。
又以口對口。醜穢不堪聽。一切有爲法。俱是地獄人。
有等執著者。信死清淨真。髮黃并齒落。鵲體似鶴形。
他未知吾道。分明假作真。觀天之大道。執天之太行。
月挂西川上。霞臨南楚濱。三日前爲晦。陽中之純陰。
三日後爲朔。陰中之陽精。亦如逢冬至。和景好陽春。
八日是上弦。一問卯兔門。十六方爲姤。廿三是酉門。
以此參易卦。方知大道真。百句章中字。字字要尋文。

此書雷將守。得者慎勿輕。

行火候

行火候。六百篇。採先天。煉後天。篇篇字字休輕慢。
勤將日月身中運。捉就陰陽鼎內煎。展天縮地分明現。
全憑著智慧寶劍。斬三尸奔走如烟。祖師當初曾囑付。
萬兩黃金莫亂傳。仙宗妙道休輕慢。若沒有真傳實授。
怎知道性命根源。

鄂渚悟道歌

縱音宗橫天際爲閒客。時遇季秋重陽節。陰雲一布遍長空。
膏澤連綿滋萬物。因雨泥滑門不出。忽聞鄰舍語丹術。
試問鄰公可相傳。一言許肯更無難。數篇奇怪文入手。
一夜挑燈讀不了。曉來日早才看畢。不覺自醉如恍惚。

恍惚之中見有物。狀如日輪明突岬。自言便是丹砂精。
宜向鼎中烹凡質。凡質本來不化真。化真須得真中物。
不用鉛。不用汞。還丹須向爐中種。玄中之玄號真鉛。
及至用鉛還不用。或名龍。或名虎。或號嬰兒並姹女。
丹砂一粒名千般。一中有一爲丹母。火莫然。水莫凍。
修之煉之須珍重。直待虎嘯折顛峰。驪龍奪得玄珠
弄。龍吞玄寶忽昇飛。飛龍被我捉來騎。一翥上朝歸碧
落。碧落廣闊無東西。無曉無夜無日月。無寒無伏無四
時。自從修到無爲地。始覺奇之又怪之。

祕訣歌

求之不見。來即不見。不見不見。君之素面。火裏曾飛。
水中亦見。道路非遙。身心不戀。又不知有返陰之龜。

。回陽之雁。遇即遇真人。達即達其神。一萬二千甲子。
。這一壺流霞長春。流霞流霞。本性一家。飢餐日精。
渴飲月華。將甲子丁丑之歲。與君決破東門之大瓜。

直指大丹歌

三清宮殿隱崑巔。日月光浮起紫煙。池沼泓泓翻玉液。
樓臺疊疊運靈泉。青龍乘火鉛爲汞。白虎騰波汞作鉛。
欲得坎男求配偶。須憑離女結因緣。黃婆設盡千般計。
金鼎開成一朶蓮。烈女擎烏當左畔。將軍戴兔鎮西邊。
黑龜却伏紅爐下。朱雀還棲華閣前。然後澄神窺見影。
三周功就駕雲軒。
駢一作

谷神歌

我有一腹空谷虛。言之道有又還無。言之無兮不可捨。

言之有兮不可居。谷兮谷兮大玄妙。神兮神兮真大道。
保之守之不死名。修之煉之神仙一人作號。神得一以靈。
谷得一以盈。若人能守一。只此是長生。長生本不遠。
離身還不見。煉之功若成。自然凡骨變。谷神不死一作載。
門。出入綿綿道若存。修煉還須夜半子。河車搬一作載。
上崑崙。龍又吟。虎又嘯。風雲際會黃婆叫。火中姹女
正含嬌。回觀水底嬰兒俏。嬰兒姹女見黃婆。兒女相逢
兩意和。金殿玉堂門十二。金公木母正來過。重門過後
牢闕鎖。點檢斗牛先下火。進火消陰始一陽。千歲仙桃
初結果。曲江東岸金烏飛。西岸清光玉兔輝。烏兔走歸
峰頂上。爐中姹女脫青衣。脫却青衣露素體。嬰兒領一作
扶君入重幃裏。十月情濃產一男。說遺一作長生不死。勸

君煉。勸君修。谷神不死此中求。此中悟取佗微處。與君白日上一作到瀛洲。

窯頭坯歌

窯頭坯。隨雨破。祇是未曾經水火。若經水火燒成磚。留向世間住萬年。稜角堅完不復壞。扣之聲韻堪磨鑄。凡水火。尚成功。堅完萬物誰能同。修行路上多少人。窮年煉養費精神。不道未曾經水火。無常一旦臨君身。既不悟。終不悔。死了猶來借一作精髓。體一作主持正念大艱辛。一失人身爲異類。君不見。洛陽富鄭公。弼名說與金丹如育顰。執迷不悟修真理。焉知潛合造化功。又與金丹如育顰。英名商服藥失明神氣枯。不知還丹本無質。翻餌金石何太愚。又不見。三衢趙樞密。鼎名叅禪作

鬼終不識。修完外體在何邊。辨捷語言終不實。窯頭坯
。隨雨破。便以修行這幾個。大丈夫。超覺性。了盡空
門不爲證。伏羲傳道至於今。窮理盡性至於命。了命如
何是本元。光認坎離並四正。坎離即是真常家。見者超
凡須入聖。坎是虎。離是龍。二體本來同一宮。龍吞虎
啗音坦居其中。離合浮沈初復終。剝而復。否而泰。進退
往來定交會。弦而望。明而晦。消長盈虛相匹配。神仙
深入水晶宮。時飲醍醐清更醲。餌之千日功便成。金筋
玉骨身已輕。此個景象惟自身。上昇早得朝三清。三清
聖位我亦有。本來只奪乾坤精。飲凡酒。食羶腥。補養
元和氣更盈。自融結。轉光明。變作珍珠飛玉京。須臾
六年腸不餒。血化白膏體難毀。不食方爲真絕糧。真氣

薰蒸肢體強。既不食。超百億。口鼻都無凡喘息。真人
以踵凡以喉。從此真凡兩邊立。到此遂成無漏身。胎息
丹田湧真火。老氏自此號嬰兒。火候九年都經過。留形
住世不知春。忽爾天門頂中破。真人出現大神通。從此
天仙可相賀。聖賢三教不異門。昧者勞心休恁麼。有識
自愛生。有形終不滅。歎愚人。空駕說。愚人流蕩無期
。休落趣循環幾時徹。學人學人細尋覓。且須研究古金
碧。金碧叅同不記年。妙中妙兮玄中玄。

敲爻歌

按道書全集此歌凡數見彼此互異
今以文集全唐詩為正餘見分註

漢終唐國飄蓬客。所以敲爻不可測。縱橫順逆沒遮攔。

靜則無為動是色。也飲酒。也食肉。守定臙花斷淫慾。

行歌一作禪 唱咏臙粉詞。持戒酒肉常充腹。色是藥。酒是

祿。酒色之中無拘束。只因花酒悞悟一作悟長生。飲酒帶

花神鬼哭。不破戒。不犯淫。破戒真如性即沈。犯淫壞

失長生寶。得者須由道力。人道力人。真散漢。酒是良

朋花是伴。花街柳巷覓真人。真人只在一作花街玩。摘

花戴飲長生酒。瓊一作漿 飲景境一作裏無爲道自昌。一任羣迷

多笑怪。仙花仙酒是仙鄉。到此鄉。非常客。姹女嬰兒

生喜樂。洞中常採有一作四時花。時一作花結就長生藥。

長生藥採花心。花藥層層豔麗春。時人不達花中理。一

訣天機直萬金。謝天地。感虛空。得遇仙師是祖宗。附

耳低言佞妙旨。提上蓬萊第一峰。第一峰。是仙物。惟

產金花生恍惚。口口相傳不記文。須得靈根堅髓骨。堅

髓骨。煉靈根。片片桃花洞裏春。七七白虎雙雙養。八

八青龍總一斤。真父母。送元宮。木母金公性本溫。一作

雨情通十二宮中蟾魄現。時時地魄降天魂。鉛初就。汞初

生。玉爐金鼎未經烹。一夫一婦同天地。一男一女合乾

坤。庚要生。甲要生。生甲生庚道始萌。拔取天根并地

髓。白雪黃芽自一作漸長成。鉛亦生。汞亦生。生汞生鉛

一處烹。烹煉不是精一作津和液。天地乾坤日月精。黃婆

匹配得團圓。時刻無差口付傳。八卦三元全藉汞。五行

四象豈離鉛。鉛生汞。汞生鉛。套得乾坤造化權。杳杳

冥冥生恍惚。恍恍惚惚結成團。性須空。意要專。莫遣

猿猴取次攀。花露初開切忌觸。鎖居一作歸土釜勿抽添。

一作闕玉爐中。文火爍。十二時中惟守一。此時黃道會陰

陽。三性元宮無漏泄。氣若行。真火煉。莫使佞珠離寶

殿。加一作抽添火候切防危。初九潛龍不可煉。消息火。

刀圭變。大地黃芽都長遍。五行數內一陽生。二十四氣

排珠宴。火足數。藥方成。便有龍吟虎嘯聲。三鉛只得

一鉛就。金菓仙芽未現形。再安爐。重立鼎。跨虎乘龍

離凡境。日精纔現月華凝。二八相交在壬丙。龍汞結。

虎鉛成。咫尺蓬萊祇一程。乾鉛坤汞金丹。祖龍鉛虎汞

最通靈。達此理。道方成。三萬神龍一作通護水晶。守時

定日明符刻。專心惟在意虔誠。二一句無此黑鉛過。採清真

。一作素清藥一陣交鋒定太平。三車搬運珍珠寶。送歸寶藏

。自通靈。二一句無此天神祐。地祇迎。混合乾坤日月精。

虎嘯一聲龍出窟。鸞飛鳳舞出金城。硃砂配。水銀停。

一派紅霞列太清。鉛地迸出金光現。汞火流珠入帝京。

龍虎媾。外持盈。走聖飛靈在寶瓶。一時辰內金丹就。
上朝金闕紫雲生。仙桃熟。摘取餌。萬化來朝天地喜。
齋戒等候一陽生。便進周天叅同理。叅同理。煉金丹。
水火薰蒸透百關。養胎十月神丹結。男子懷胎豈等閒。
內丹成。外丹就。內外相接和諧偶。一作好結成一塊紫
金丸。變化飛騰天地久。二一句無此丹入腹。非尋常。陰形
剝盡化純陽。飛昇羽化三清客。名遂功成達上蒼。三清
客。駕瑤輦。跨鳳一作鶴騰霄入太虛。似此逍遙多快樂。
遨遊三界最清奇。二一句無此太虛之上修真士。朗朗圓成一
物無。一物無。惟顯道。五方透出真人貌。仙童仙女彩
雲迎。五明宮內傳真誥。傳真誥。話幽情。只是真鉛煉
汞精。聲聞緣覺冰消散。外道修羅縮項一作頸驚。點枯骨

。立成形。信道天梯似掌平。九祖先靈得超一作悉一作脫。誰
羨繁華貴富一作與榮。尋烈士。覓賢才。同安爐鼎化凡胎
。若是慳才並惜悟一作寶。千萬神仙不肯來。修真士。不
妄說。妄說一句天公折。萬劫塵沙道不成。七竅眼睛皆
迸血。貧窮子。發誓愿一作切。待要一作把凡流盡提接。同
赴蓬萊仙會中。凡景熬煎無了歇。塵世短。更思量。洞
裏乾坤日月長。堅志苦心三二載。百千萬劫壽彌無一作疆
。達聖道。顯真常。虎兇刀兵更不傷。水火蛟龍無損害
。拍手天宮笑一場。這些功。真奇妙。分付與人誰肯要
。愚徒死戀色和財。所以神仙不肯召。照一作真至道。不
擇人。豈論問一作高低富與貧。且饒帝子共王孫。須去繁
華銼銳分。紛一作瞋不除。慙態一作不改。墮入輪迴生死海

。堆金積玉滿山川。神仙冷笑應不采。名非貴。道極尊。
。聖聖賢賢顯一作子孫。腰金跨玉騎驕馬。瞥見如同隙
裏塵。隙裏塵。石中火。何在一作枉留心爲久計。苦苦煎
熬喚不回。奪利爭名如鼎沸。如鼎沸。永沈淪。失道迷
真業所根。有人平却心頭棘。便把天機。說與君。命要
傳。性要悟。入聖超凡由汝做。三清路上少人行。畜類
門前爭入去。報賢良。休慕顧。性命機關堪守護。若還
缺一不芳菲。執着波查應失路。只修性。真一作悟不修命
。一作達此是修行第一病。只修祖性不修丹。萬劫陰靈
難入聖。達命宗。命一作悟迷祖性。恰似鑑容無寶鏡。
壽同天地一愚夫。權握家財無主柄。陽一作把柄陰性命雙
修佞又佞。海底洪波駕法船。生擒活捉蛟龍首。始知匠

手不虛傳。

勉牛生夏侯生

二秀才。二秀才兮非秀才。非秀才兮是仙才。中華國裏
親遭遇。仰面觀天笑眼開。鶴形兮龜背。龍吟兮虎顏。
我有至言相勸勉。願君兮勿精勿猜。但煦日吹月。嚙雨
呵雷。火寄冥宮。水濟丹臺。金木交而土歸位。鉛汞分
而丹露胎。赤血換而白乳流。透九竅兮動百骸。然卷
。然舒。哀哀哈哈。孩兒喘而不死。腹空虛兮長齋。
酬名利兮狂歌醉舞。酬富貴兮麻襪莎鞋。甲子閒一作兮
休記。看桑田變作黃埃。青山白雲好居住。勸君歸去來
兮歸去來。

贈劉方處士

六國愁看沈與浮。携琴長嘯出神州。擬向煙霞煮白石。
偶來城市見丹邱。受得金華出世術。期於紫府駕雲遊。
年來摘得黃巖翠。琪樹參差連地肺。露飄香隴玉苗滋。
月上碧峰丹鶴唳。洞天消息春正深。仙路往還俗難繼。
忽因乘興下白雲。與君邂逅於塵世。塵世相逢開口希。
共論太古同流志。瑤琴寶瑟與君彈。瓊漿玉液勸我君一作
醉。醉中一亦一作話興亡事。云道總無珪組累。浮世短景
倏成空。石火電光即逝。韶年淑質曾非固。花面玉顏還
作土。芳樽但繼曉復昏。樂事不窮今與古。何如識個佺
佻道。道在杳冥須細考。壺中一粒化奇物。物外千年功
力奧。但能制得水中華。水火翻成金丹竈。丹就人間不
久居。自有碧霄元命誥。佻洲暘谷悉可居。地壽天齡永

相保。鸞車鶴駕逐雲飛。迢迢瑤池應易到。耳聞爭戰還
傾覆。眼見妍華成枯槁。唐家舊國盡荒蕪。漢室諸陵空
白草。蜉蝣世界實足堪一作悲。槿花性命莫遲遲。珠璣溢
屋非爲福。羅綺滿盈一作箱徒自危。志士戒貪昔所重。達
人忘慾寧自期。劉方劉方審聽我。流光迅速如飛過。陰
姪果決用心除。尸鬼因循爲汝禍。八瓊祕訣君自識。莫
待鉛空車又破。破車壞鉛須震驚。直遇伯陽應不可。悠
悠憂家復憂國。耗盡三田元宅火。咫尺玄闕若要開。憑
君自解黃金鎖。

寄白龍洞劉道人

此歌又見紫陽
張真人悟真篇

玉走金龍兩曜忙。始聞花發又秋霜。徒籤壽千來歲。也
似一作雲中一電光。一電光。何太疾。悟真百年都來悟真

三萬日。其間寒暑互煎熬。不覺童顏暗中失。縱有兒孫
滿眼前。却成恩愛轉牽纏。及乎精竭身枯朽。誰解救伊
悟真作君暫駐顏。悟真作延年之道暫駐延既無計。不免將身歸
逝水。但看古往聖賢人。幾個解留身在世。身在世。也
有方。只爲時世人誤沒度量。競向山中尋草藥。木作伏鉛
制汞點丹陽。點丹陽。事迥別。須向坎中求赤血。取真悟
捉來離位制陰精。配合調和有時節。時節正。用媒人。
金公姪金作親姻。金公偏愛騎白虎。姪女常駕赤龍身。
虎來靜坐秋江悟真裏。龍向潭中潭作碧奮身起。兩獸相逢
戰一場。波浪奔騰如鼎沸。黃婆丁老助威靈。撼動乾坤
走神鬼。須臾戰罷雲氣收。種個玄珠在泥底。從此根芽
苗作漸長成。隨時灌溉抱真精。十月脫胎吞入口。忽不作覺

凡身已有靈。此箇事。世間希。不是等閒人得知。宿風作
 世若無仙骨分。容易如何得遇之。金液丹。得悟真作宜便
 煉。大都緣作都光景急如箭。要取魚。有時字下須結筌。
 作審此下有莫待臨淵空嘆何不收心煉取汞鉛。莫休作教燭
 被風吹滅。六道輪迴莫怨天。莫一近來世人多詐。盡著
 布衣稱道者。問他金木是何般。禁口不作悟真言如害啞。
 却云腹伏作氣與休糧。別有門庭道路長。豈不見陰君被迷
 歌中說。破悟真迷歌中說不見太乙含真法最強。良作莫怪言詞辭作
 太多狂劣。只為教作時人難鑒別。惟君心與我心同。方敢
 傾心與懷悟真作君說。按陳谷神編呂祖文集並全唐詩皆
 悟真篇則以此歌載之悟真下卷空于本句之下以備參考
 故今特將悟真詩句互異之處分註于本句之下以備參考

贈喬二郎歌

與君相見皇都裏。陶陶動便經年醉。醉中往往愛藏真。
亦不爲他名與利。勸君休戀浮華榮。直須奔走烟霞程。
烟霞欲去如何去。先須肘後飛金晶。金晶飛到上宮裏。
上宮下宮通光明。當時玉汞涓涓生。奔歸元海如雷聲。
從此夫妻相際會。歡娛始一作終踴躍情無外。水火都來兩半
間。卦候翻成地天泰。一浮一沈陽煉陰。陰盡方知此理
深。到底根元是何物。分明只是水中金。喬公喬公急下
手。莫逐烏飛兼兔走。何如修煉作真人。塵世浮生終不
久。人大一作道長生沒得來。自古至今有有有。

題桐栢山黃先生菴門歌

吾有佷中極佷語。理一作周遊八極無處吐。雲輶飄泛到凝
陽。一見君兮在佷浦。知君本是孤雲客。擬話訪一作希夷

生恍惚。無爲大道本根源。要君親見求真物。其中有一
分三五。本自無名號丹母。寒泉瀝瀝氣綿綿。上透崑崙
還紫府。浮沈升降入中宮。四象五行齊見土。驅青蛇。
擒白虎。起祥風兮下甘露。鉛凝真汞結丹砂。一派火輪
眞爲主。既修真。須堅確。能轉乾坤泛海岳。運行天地
莫能知。變化鬼神應不覺。千朝煉就紫金身。乃致全神
歸返朴。黃秀才。黃秀才。既修真。須且早。人間萬事
何時了。貪名貪利愛金多。爲他財色身衰老。我今勸子
心悲切。君自思兮生猛烈。莫教大限到身來。又是隨流
入生滅。留此片言。用表其意。他日相逢。必與君決。
莫退初心。善愛善愛。

題四明金鷲寺壁

方丈有門出不鑰。見箇山童露雙脚。問伊方丈何寥寥。
道是虛空也不著。聞此語。何欣欣。主翁豈是尋常人。
我來謁見不得見。渴全唐作謁心耿耿生埃塵。歸去也。波浩
渺。路入蓬萊山杳杳。相思一上石樓時。雪晴海潤千峰
曉。

鼎器歌

此歌體與敲爻同出
允誠鈔本原集無

鼎器本是男女身。大藥原來精氣神。若會攢來歸一處。
須用同心三個人。三箇人。無他說。只要真師真口訣。
指破陰陽三品丹。方可存心待明月。待明月。也莫遲。
收拾身心且築基。劈開塵心拋業網。驅除五漏斬三尸。
斬三尸。見鑄劍。煉已通靈知應驗。剛柔變化任施爲。
萬里驅妖如掣電。如掣電。劍方靈。挂向南方護水晶。

若遇北方陰鬼起。一刀兩段不容情。不容情。常清淨。
心中皎潔如明鏡。鏡心寂滅若空虛。始得臨爐無弊病。
無弊病。可安爐。調和鼎器莫心粗。言語不通非眷屬。
龍興虎旺始堪圖。如堪圖。觀復作。造音鑿開混沌鴻濛竅
靜觀虎嘯與龍吟。自然華池神水到。神水到。辨浮沈
莫教聲平時過枉勞心。鉛遇癸生須急採。金逢望不堪親
不堪親。休亂取。地裂山崩難作主。不知止足必傾危
盛夏嚴霜冬大暑。冬大暑。不遭逢。三寶牢闔密守中
太極自然生造化。趁時搬取入黃宮。入黃宮。須愛護
十月澆淋休失誤。子行陽火虎龍交。午退陰符自保固
自保固。暫相離。端坐忘言更待時。輻輳循環終則始
三百六十莫違期。莫違期。爲則例。悟明真理須當契

。若還執著爻象行。只恐勞神形蠹弊。形蠹敝。往來堅
。只爲心機未得皆思慮。慕真毫髮錯。鉛消汞散不成丹
。不成丹。思煉已。閒因失却玄中理。水乾火燥要調停
。刑德臨門知進退。知進退。勿憂凶。煉就爐中一點紅
。產個嬰兒兌氣足。三年溫養似痴聾。似痴聾。真快樂
。靜裏謝神離軀殼。東南西北任遨遊。出入往來乘白鶴
。乘白鶴。脫塵埃。三島神仙集會來。一任桑田變滄海
。我身無事原正之靈臺。我身無事靈臺。積功累
德超凡世。雖然顯化度羣迷。那時方遂男兒志。

採金歌

出允誠鈔
本原集無

道道道。無巧妙。玄玄玄。無多言。開闔展竅也不難。
明雌雄。兩劍全。築基煉已採後天。雖然後天名滓質。

先伏後天後先天。此要訣。要師傅不得真師枉徒然。築
基功夫往前進。火候屯蒙要抽添。要抽添。認真鉛。十
三四五六相連。審黃道。知端的亦要看經五千言。藥苗
新。用心看。鉛光發現三日前。癸水將至須急採。差之
毫髮不作丹。未採藥。立匡郭。交合之時用彙籥。用彙
籥。近我身。不看天體枉爲作。知癸生。曉癸見。三十
時辰兩日半。採取只在一時辰。六候只在二候見。外四
候。別有幹。得藥之時莫貪亂。如痴如醉更省音言。牢
闔牢鎖牢上圈。擇定飲食莫太過。又恐傷丹又霍亂。減
酸醎。常咬淡。黃婆伏侍用心看。一時飢飽失前功。鉛
散汞枯兩不戀。十日功夫要勤咽。勤咽之時防危險。頗
得道理明性歌。得之莫作容易看。至人傳。非人遠。萬

兩黃金不肯換。

真經歌

出允誠鈔
本原集無

真經歌。真經歌。不識真經盡着魔。人人紙上尋文義。
喃喃不住誦者多。持經咒。念法科。排定紙上望超脫。
若是這般超生死。遍地釋子成佛羅。得真經。出洪波。
不得真經沒奈何。若問真經端的處。先天造化別無他。
順去死。逆來活。往往教君尋不着。真經原來無一字。
能度衆生出大羅。要真經。度自己。除非同類兩相和。
生天生地與生人。豈離陰陽造化窩。說真經。不脫空。
西川澗底產黃金。五千四十歸黃道。正合一卷大藏經。
日滿足。氣候通。地應潮。今天應星。初祖達摩親口授。
真佞妙法蓮華經。初三日。震出庚。曲江上。月華榮。

花蕊初開含珠露。虎穴龍眠探獨清。水生二。藥真正。
若待其三不可進。壬水初來癸未來。須當急採定浮沈。
金鼎煉。玉爐烹。溫溫文火煖烘烘。真經一射玄關透。
恰似准箭中紅心。遍體熱。似籠蒸。回光返照入中宮。
一得真經如酒醉。呼吸百脈盡歸根。精入氣。氣忽神。
混沌七日又返魂。這般造化真消息。料得世上少人論。
原作知之不活中死。死復生。自古仙佛賴真經。此個造化
能收得。度盡閻浮世上人。大道端居太極先。本於父母
未生前。度人須要真經度。若問真經癸是鉛。
此歌一作石杏林披

作文
小異

仙游歌

出明詩綜
原集無

君不見蓬萊縹渺三山幽。天風萬里神仙游。光分日月五

城界。春滿烟霞十二樓。洞門桃花歲復歲。巖前桂樹秋
復秋。羣仙游兮上玉京。翩翩自適春風情。鞭龍或耕瑤
草去。騎鹿愛遶青松行。感藻日之遄征。歎浮生之易邁
。信人間之可哀。留幔亭而高會。有時采藥來天台。迷
花宿霧臨瑤臺。五三六點靈雨滴。百千萬樹梨花開。主
人置酒初醞潑音醞。我今暢飲休相催。風光如此不盡醉
。虛負清華赤玉杯。